

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Volvntarivm Imperii Consortivm Inter Fridericvm Avstriacvm Et Lvdoovicvm Bavarvm Avgg.

**Köhler, Johann David
Baumann, Johann Friedrich**

Altdorfii, 1733

XVIII.

[urn:nbn:de:bsz:31-130795](https://nbn-resolving.org/urn:nbn:de:bsz:31-130795)

XVII.

VII) a Salutatione
Imperatoris
a Successore
Imp. Carolo IV.

Non immerito in hac Disceptatione provocamus etiam ad Successorem in Imperio Friderici, Carolum IV. nempe Imperatorem, qui eundem Titulo Regis Romanorum ac sui Antecessoris salutavit in Confirmatione Privilegiorum et Immunitatum Cartusiae Maurbacensis, sub Aurea Bulla Pragæ Anno 1357. IV. Idus Aprilis concessa, in qua hæc leguntur: *Ad nostræ Majestatis accedens Presentiam, Nobilis Tobias de Bekingen -- -- nobis pro parte Religiosorum Prioris et Conventus Vallis OO. SS. in Maurbach, Ordinis Carthusiensis -- -- humilis supplicavit, quatenus quasdam Literas Serenissimi Friderici, quondam Romanorum Regis, Prædecessoris et Avunculi nostri charissimi -- -- præfatum Monasterium concernentes -- -- confirmare -- dignaremur.*

XVIII.

VIII) ob Ordinum
Imperii agnitione
hujus Imperii
Simultanei.

Severi Censores simultanei Imperii Fridericiani requirunt denique à nobis Suffragia Ordinum Imperii, qui hoc agnoverunt, atque Fridericum Regem Romanorum appellarunt. Ut huic etiam Postulato satisfaciamus, non solum eos remittimus ad Johannem, Episcopum Argentinensem, §. XIII. p. 75. ad

ad Bertoldum, Comitem Hennebergensem, §. XI. p. 67. atque ad Albertum, Comitem Ortenburgensem, §. XVII. p. 81. de quibus Diplomata Friderici Augusti recensuimus, verum etiam tam CZERWENKA *l. c. Lib. II. C. XXV. p. 354.* quam BRENNERVS *l. c. p. 350* testantur, superesse in Archivo Maurbacensis Cartusiae originales accepti Legati ex Testamento Friderici Imperatoris Syngraphas, et Literas Ecclesiarum Salisburgensis, Argentinenfis, Constantiensis, Passaviensis, Spirensis, Basileensis, Augustanae, Frisingensis, Ratisbonensis, et Monasteriorum Weissenburgensis, Weingartensis, et S. Emmerani, in quibus se ad anniversarium sacrum perpetuum pro Friderico Augusto celebrandum obligant, et Fridericum Romanorum Regem et semper Augustum appellant. Qualem Reverentiam Friderico Augusto An. 1328. exhibuerit Johannes, Rex Bohemiae, in Colloquio Pacificationis gratia instituto, enarrat ANONYMVS LEOBIENSIS, in *Chronic. Lib. V. ad h. Annum l. c. pag. 929.*

Fridericus Rex cogitans periculosum esse Patriae litigia gerere, Concordiam cum Ottone, Fratrem, et Johanne, Rege Bohemiae meditatur, et indicta die conveniunt. Rex Bohemorum in occursum Friderico, detracto capu-

cio, ut Reverentiam faceret, venienti processit: Fridericus, lente, pileo ad modicum elevato, obviationis vicem rependere videbatur. Quo facto Rex Johannes arbitrans se contentum, placiti diem solvit, dicens se Imperatoris Filium et Regem, nesciens quis eorum alteri esset preferendus.

XIX.

Removentur
Objectiones

1) Herwarti
petita a varietate
Cuspiniani.

Restat, ut Objectiones quasdam Adversariorum nostrorum circa Concordiam Augustorum, FRIDERICI et LUDOVICI simul Imperantium removeamus: HERWARTVS committit inter se Narrationes CVSPINIANI de Pacificatione Friderici cum Ludovico, et magnam Varietatem in iis notat in Ludovico IV. Imp. contra Bzovium defenso ad A. 1325 §. 33. et 34. p. 320. CVSPINIANVS enim in Opere de Caesaribus et Imperatoribus Romanis pag. 463. ita locutus est de Friderico Aug. nostro: Licet Annales viderim, quibus traditur Ludovicum è Captivitate liberasse Fridericum, sine omni Fidejussoria Cautione, sine Pecunia, quod per ipsum speraret, et Gratiam Summi Pontificis, et Leopoldi Fratris favorem sese assequuturum, et ideo ambos Reges unitos. Et paulo post in eadem pagina dixit: Cum autem triennio in Custodiis maceratus esset Fridericus, tandem Persuasione Prioris cujusdam Cartusienfis, Ludovicus Fridericum, remotis omnibus arbitris, liberat. Præmissis